

Ramai pengusaha patuh SOP PKPB



Oleh Hayati Ibrahim dan Suraya Roslan
am@hmetro.com.my

KEMENTERIAN Perdagangan Dalam Negeri dan Hal Ehwal Pengguna (KPDNHEP) sudah melakukan 2,021 pemeriksaan pematuhan Prosedur Operasi Standard (SOP) Perintah Kawalan Pergerakan Bersyarat (PKPB) di premis perniagaan.

Menteri Kanan (Kluster Keselamatan) Datuk Seri Ismail Sabri Yaakob berkata, daripada jumlah itu, 1,972 didapati mematuhi SOP ditetapkan, manakala 146 premis lagi diberi nasihat.

"Sementara tiga lagi premis diberi amaran kerana ketidakpatuhan SOP.

"Sehubungan itu, kerajaan ingin menasihat dan menggesa pengusaha supaya terus mematuhi SOP untuk mengelakkan premis mereka ditutup," katanya pada sidang media harian di Putrajaya, hari ini.

Ismail Sabri yang juga Menteri Pertahanan berkata, pengunjung turut dinasihati supaya mematuhi SOP ditetapkan kerajaan, dan diminta tidak membawa anak kecil dan warga emas setiap kali membeli belah kerana mereka berisiko tinggi.

<https://www.hmetro.com.my/utama/2020/06/585496/ramai-pengusaha-patuh-sop-pkpb>

Artikel ini disiarkan pada : Rabu, 3 Jun 2020 @ 2:22 PM